

World Vision Bosna i Hercegovina
Izrada nacionalnog Akcionog plana za borbu protiv trgovine ljudima

Organizacija: **WORLD VISION BOSNA I HERCEGOVINA**
Zemlja: **Bosna i Hercegovina**
Datum: **Maj 2020.**

Opis tražene usluge: Pružanje tehničke podrške i upravljanje aktivnostima Radne grupe kroz process za izradu Akcionog plana za borbu protiv trgovine ljudima 2020-2023. za institucije Bosne i Hercegovine

Svrha:

Projekat pod nazivom "Jačanje državnih i lokalnih kapaciteta u borbi protiv trgovine ljudima u BiH" World Vision u BiH implementira uz podršku Državnog sekretarijata SAD-a. Glavna namjera projekta je pružanje podrške u izgradnji kapaciteta vladinih i lokalnih sudionika u oblasti suprotstavljanja trgovine ljudima kako bi se unaprijedili odgovori na potrebe sprečavanja, suzbijanja i pružanja zaštite žrtvama trgovine ljudima u Bosni i Hercegovini.

Opći cilj:

U okviru jednog od ciljeva projekta koji se odnosi na unapređenje operacionalizacije multidisciplinarnog nacionalnog referalnog mehanizma u borbi protiv trgovine ljudima, planirana je akcija za podršku u izradi nacionalnog Akcionog plana za period 2020-2023. Cilj aktivnosti je da se osiguraju i podrže vladini naponi u izradi novih i/ili nadogradnji postojećih akata, politika, procedura i mehanizama za borbu protiv trgovine ljudima u BiH.

Nacionalni Akcioni plan je operativan strateški dokument koji treba biti zasnovan na ciljevima i mjerama koji konkretiziraju aktivnosti za njihovo ispunjavanje na način da definiraju aktivnosti, vremenski rok za sprovođenje, institucije nadležne za sprovođenje, pokazatelje sprovođenja i potrebne resurse.

Akcioni plan treba biti razvijen u skladu sa „Strategijom suprotstavljanja trgovini ljudima u Bosni i Hercegovini (2020–2023)“.

Specifični ciljevi:

U bliskoj saradnji sa WV u BiH i Državnim koordinatorom za borbu protiv trgovine ljudima, konsultant/ica će:

- Utvrditi metodologiju izrade Akcionog plana za borbu protiv trgovine ljudima usmjerenu na sagledavanje i uvažavanje definiranih politika i preporuka koje su sadržane u „Strategiji suprotstavljanja trgovini ljudima u Bosni i Hercegovini (2020–2023)“
- Pripremiti metodološki okvir i plan rada za izradu strateškog dokumenta
- Pripremiti dnevni red za sastanke i voditi seriju radnih sastanaka sa članovima Radne grupe za borbu protiv trgovine ljudima
- Pružati doprinos dnevnom redu sastanaka za ispunjavanje planiranog
- Izraditi nacrt dokumenta, uključujući relevantne standarde za izradu strateškog dokumenta
- Predstaviti nacrt dokumenta Državnom koordinatoru i članovima Radne grupe
- Urediti dokument u skladu sa svim komentarima od strane Državnog koordinatora i članova Radne grupe i finaliziran dokument predati Državnom koordinatoru
- Biti dostupan za potrebe konsultacija WV u BiH i Državnom koordinatoru tokom trajanja procesa izrade

Ciljna grupa:

Radna grupa uspostavljena kao privremeno, interesorno i stručno tijelo Ministarstva sigurnosti BiH sa zadatkom za izradu i dostavu Savjetu ministara BiH Akcionog plana za borbu protiv trgovine ljudima 2020-2023.

Vremenski okvir:

- Objava poziva za ponude – 20. maj 2020.
- Slanje ponuda na adresu WV-a najkasnije do 27. maja 2020.
- Rok za izbor ponuđača i pregovore – 29. maj 2020.
- Proces izrade dokumenta – 01. juna-01. jula 2020.
- Dostava finalnog dokumenta – 01. juli 2020.

Obzirom na opsežnost potreba i vladinih napora za uređenje i uspostavu neophodnih strateških dokumenata na nacionalnom, entitetskom, kantonalnom i lokalnom nivou, koje World Vision u BiH ima u planu podržati, postoji mogućnost produženja angažmana konsultanta/ice za potrebe pružanja podrške za izradu akcionih planova regionalnih monitoring timova za borbu protiv trgovine ljudima koji bi se naknadno definisao.

Background:

World Vision je kršćanska organizacija za pomoć, razvoj i javno zagovaranje, posvećena radu sa djecom, porodicama i zajednicama kako bi prevazišli siromaštvo i nepravdu.

World Vision služi svim ljudima bez obzira na religiju, rasu, etničku pripadnost ili spol. Prisutni smo u preko 100 zemalja svijeta, a u BiH djelujemo od 1994. godine.

Potrebno/poželjno iskustvo i vještine:

- Minimalno univerzitetska diploma, poželjno Univerzitet za kriminalistiku, kriminologiju i sigurnosne studije
- Minimalno 5 godina iskustva u upravljanju procesa i vođenju višečlanog tima za izradu strateških dokumenata na nacionalnom, entitetskom ili kantonalnom nivou
- Obavezno iskustvo u izradi državnih strateških dokumenata, kao što su Strategije i/ili Akcioni planovi iz oblasti trgovine ljudima
- Poznavanje međunarodnih i nacionalnih pravnih okvira iz oblasti trgovine ljudima u BiH
- Posjedovanje odličnih komunikacijskih i organizacijskih vještina
- Posjedovanje vještine pisanog i usmenog predavljanja;
- Pokazuje sposobnost rješavanja više zadataka i inicijativa i obavezno poštivanje rokova
- Sposoban/na za rad u timskom i interkulturalnom okruženju uz minimalan nadzor;

World Vision će donijeti odluku o najuspješnijem ponuđaču na osnovu sljedećih kriterija:

- Pojedinci ili Udruženja sa iskustvom i kvalifikacijama u obavljanju navedenih ili sličnih poslova
- Najpovoljnija ponuda u odnosu na ponuđeni kvalitet

Da bi se prijavili na ovaj poziv, aplikanti trebaju ispuniti sljedeće uslove za predaju ponuda:

Aplikant treba da preda sljedeću dokumentaciju:

1. Prijedlog metodologije koja će biti primjenjena u procesu izrade dokumenta,
2. Detaljan plan rada sa kratkim opisom aktivnosti i vremenom trajanja,
3. Sažetak o ekspertizi i iskustvu na sličnim zadacima
4. CV sa relevantnim kvalifikacijama i radnim iskustvom (osoba koje će raditi na metodologiji),
5. Lista referenci o izradi istih ili sličnih strateških dokumenata sa mogućnošću provjere,
6. Potpisana izjava/saglasnost da će ponuđač (ili bilo ko od direktora ili službenika) biti otvoren za provjeru podataka uključujući i WV platformu za provjeru podataka "Watch dog screening" (gdje je primjenjivo),
7. Potpisan "Supplier code of conduct"
8. Finansijska ponuda
9. ID Broj (Za Udruženja)
10. Naziv i tačna adresa ponuđača, izvod iz sudskog registra ili dokaz o registrovanoj djelatnosti, (Za Udruženja)
11. Poresko uvjerenje o izmirenim poreskim obavezama izdato od nadležne poreske uprave (ne starije od 3 mjeseca), (Za Udruženja)

Procedura:

Ponude je moguće dostaviti u zatvorenim i zapečaćenim kovertama na adresu World Vision BiH, Zvornička 9, 71 000 Sarajevo i to u dvije odvojene zatvorene i obilježene koverta (jedna koverta treba da sadrži tehničku ponudu, sa naznakom "Tehnička ponuda", a druga isključivo finansijsku ponudu sa naznakom "Finansijska ponuda". Ili putem emaila na (obavezan format ponude je PDF): wvbih_tenderi@wvi.org, primjenjujući istu metodu odvojenih ponuda. Ukupan iznos ponude treba da uključuje sve direktne i indirektne troškove koji se odnose na ponudu) do 28. maja do 14:00h sa naznakom:

Ponuda za poziv br. FY20_467 – Izrada nacionalnog Akcionog plana za borbu protiv trgovine ljudima

Tehnička ponuda ne smije sadržavati podatke vezane za finansijski aspekt ponude (finansijski dio isključivo mora biti naglašen u finansijskoj ponudi).

Kontaktne detalje pojedinca ili Udruženja trebaju biti naglašeni na obje koverta.

U slučaju da tehnička ponuda sadrži detalje vezane za budžet ili finansijsku ponudu, ista će biti proglašena nevažećom. Objavljivanje ovog poziva za ponude i prijem ponuda neće na bilo koji način obavezivati World Vision BiH niti bilo koji drugi ured unutar World Vision partnerstva.

World Vision neće biti odgovoran za, niti će podlijegati bilo kakvim troškovima koje ponuđači naprave tokom pripreme svojih podnesaka ili prezentacija vezanih za ovaj poziv za ponude.

Nijedna strana neće koristiti ime druge strane u saopštenjima za javnost, preporukama, za potrebe marketinga ili sličnih aktivnosti, bez prethodne pismene saglasnosti druge strane.